



NEWSLETTER BR. 38

MART 2018

SADRŽAJ

FIPA AKTIVNOSTI ≡

- » NOVOIMENOVANI AMBASADOR BIH U FRANCUSKOJ POSJETIO FIPA-U
- » BUGARSKE INVESTICIJE U SOLARNU ENERGIJU
- » KUVAJTSKI INVESTITOR ZAINTERESIRAN ZA ULAGANJE U PROJEKTE PUTNE INFRASTRUKTURE U BIH
- » POSJETA STRANIM FIRMAMA U VISOKOM
- » FIPA : POTPISAN MEMORANDUM O SURADNJI S AGENCIJOM ABA
- » FIPA I BIT ALIJANSA POTPISALI MEMORANDUM O SURADNJI
- » EGIPĆANI ZAINTERESIRANI ZA ULAGANJA U DRVNU INDUSTRIJU I ENERGETIKU

POSLOVNE VIJESTI ≡

- » PRVA VJETROELEKTRANA U BIH PUŠTENA U RAD
- » BIH OSVOJILA TREĆE MJESTO KAO REGIJA BUDUĆNOSTI ZA STRANA ULAGANJA
- » PROMOVIRAN PRVI INTERAKTIVNI PORTAL ZA DIJASPORU IZ BOSNE I HERCEGOVINE

FIPA AKTIVNOSTI ≡



NOVOIMENOVANI AMBASADOR BiH
U FRANCUSKOJ POSJETIO FIPA-U



BUGARSKÉ INVESTICIJE U SOLARNU ENERGIJU





NOVOIMENOVANI AMBASADOR BiH U FRANCUSKOJ POSJETIO FIPA-U



U okviru priprema za diplomatsku misiju, novoimenovani ambasador BiH u Francuskoj Kemal Muftić posjetio je Agenciju za unapređenje stranih investicija BiH (FIPA) kako bi se upoznao o trenutnoj privrednoj i investicijskoj suradnji između dvije zemlje.

Direktor FIPA-e Gordan Milinić je upoznao ambasadora Muftića s radom Agencije na privlačenju stranih investicija i mogućnostima za ulaganje u BiH.

Istaknuto je da dosadašnji nivo investicija iz Francuske nije na zadovoljavajućem nivou kao ni trgovinska razmjera, te da ekonomska diplomatija treba dati svoj doprinos kako bi se situacija popravila u ovim oblastima.

Prema podacima Centralne banka BiH, strane investicije iz Francuske, zaključno s decembrom 2016. godine iznosile su 21.4 miliona KM ili 11 miliona eura, što predstavlja učešće od 0.2% u ukupnom stanju DSU. Tokom 2017, nije bilo registriranih investicija iz ove zemlje.

Od ambasadora se očekuje da uspostavi suradnju s privrednom komorom Francuske, privrednim strukovnim udruženjima i ostalim relevantnim institucijama kako bi pokušao animirati francusku privrednu zajednicu na investiranje u BiH.



BUGARSKE INVESTICIJE U SOLARNU ENERGIJU



Direktor Agencije za unapređenje stranih investicija primio je Erdincha Ramadana, predstavnika firme Lada Nar Ltd iz Bugarske, te ambasadora BiH u Bugarskoj NJE Radomira Bogdanovića radi razgovora o mogućnostima ulaganja u bh. energetske sektor, s osvrtnom na solarnu energiju.

G. Ramadan u Bugarskoj posjeduje nekoliko manjih solarnih elektrana, te je zainteresiran za proširenje svog poslovanja u ovoj oblasti.

Predstavnici FIPA-e su informirali bugarskog investitora o mogućnostima ulaganja u energetske sektor, trenutno raspoloživim projektima, te komparativnim prednostima koje BiH ima u odnosu na susjedne zemlje kada je riječ o ovom sektoru.

Sutra je predviđena posjeta vlasnicima solarnih elektrana u BiH radi razgovora i mogućnosti uspostavljanja suradnje.



KUVAJTSKI INVESTITOR ZAINTERESIRAN ZA ULAGANJE U PROJEKTE PUTNE INFRASTRUKTURE U BIH



Direktor Agencije za unapređenje stranih investicija BiH (FIPA) Gordan Milinić primio je kuvajtskog investitora Abdulrahmana Alhumouda radi razgovora o mogućnosti ulaganja u projekte putne infrastrukture BiH (izgradnja puteva, aerodroma, luka), čija vrijednost prelazi 15 miliona KM.

Pored projekata putne infrastrukture, kuvajtski investitor je izrazio zainteresiranost za projekte iz oblasti proizvodnje hrane i turizma u BiH.

Predstavnici FIPA-e su investitoru predstavili trenutno raspoložive projekte iz navedenih sektora, te istakli da će pružiti dodatne informacije nakon što investitor analizira uručene projekte.

FIPA stoji na raspolaganju stranim investitorima za svaku vrstu pomoći, koju može pružiti u okviru svojih nadležnosti.



POSJETA STRANIM FIRMAMA U VISOKOM



U utorak 20.3.2018. godine u okviru postinvesticione podrške stranim investitorima održana su dva sastanka s predstavnicima kompanija Geoviva d.o.o. Visoko i Paradajz d.o.o. Visoko, koje se nalaze na području Općine Visoko.

Pored predstavnika Agencije za unapređenje stranih investicija BiH (FIPA), kao članice Suradničke mreže ispred Općine Visoko sastancima su prisustvovala i gđa. Suada Koljenović i gđa. Dženita Begić.

Firma Geoviva d.o.o. je u vlasništvu njemačkog investitora i u Bosni i Hercegovini je registrirana od 2013. godine. Trenutno broji 14 zaposlenih, a u narednom periodu planiraju širiti postojeće turističke kapacitete, te povećati broj zaposlenih. Poslovno okruženje u BiH ocjenjuju dobrim, a usluge i podrška koju su dobili od institucija na raznim nivoima vlasti je u skladu s njihovim očekivanjima.

Druga posjećena kompanija Paradajz d.o.o. je u vlasništvu arapskog investitora Alkasima Beddea koji već pet godina boravi i uspješno posluje na teritoriji Općine Visoko. Istoimenu kompaniju je otvorio i u Austriji, a glavno sjedište je u Dubaiju. Proizvodnja poljoprivrednih proizvoda, trgovina i skladištenje je osnovna djelatnost kojom se firma bavi, a trenutno zapošljava 7 radnika. Zadovoljni su poslovnim okruženjem u BiH, a reinvestiranje i širenje postojećih kapaciteta im je plan za naredne tri godine.

Turistički sektor je jedan od rastućih sektora u BiH o čemu svjedoči kako raznovrsna ponuda turističkih kapaciteta tako i prirodne ljepote naše zemlje, a investiranje u pomenuti sektor donosi pozitivne poslovne rezultate.



POTPISAN MEMORANDUM O SURADNJI S AGENCIJOM ABA



Agencija za unapređenje stranih investicija BiH (FIPA) potpisala je Memorandum o suradnji s Agencijom za strana ulaganja Austrije (ABA) s ciljem unapređenja ekonomske suradnje između dvije zemlje. U okviru pružanja međusobne pomoći i podrške u radu, Agencije će promovirati aktivnosti koje se odnose na međunarodnu ekonomsku i trgovačku suradnju, te će razmjenjivati njihova iskustva u promociji i privlačenju investicija.

Razmjenjivat će raspoložive informacije, promotivne materijale i druge dokumente koji se odnose na ispunjavanje ciljeva iz ovog Memoranduma.

Međusobno će se informirati o održavanju investicijskih konferencija i privrednih dešavanja u Bosni i Hercegovini i Austriji.

Uspostavljanje suradnje sa sličnim agencijama i potpisivanje Memoranduma o suradnji doprinosi promoviranju mogućnosti bh. privrede u inostranim privrednim krugovima, skretanje pažnje na bh. potencijale, te afirmiranje mogućnosti za ulaganje BiH.

FIPA POSLOVNE VIJESTI ≡



PRVA VJETROELEKTRANA U BIH PUŠTENNA U RAD



BIH OSVOJILA TREĆE MJESTO KAO REGIJA
BUDUĆNOSTI ZA STRANA ULAGANJA ≡





PRVA VJETROELEKTRANA U BIH PUŠTENA U RAD



Prva vjetroelektrana u BiH, VE Mesihovina, puštena je 14. marta 2018. godine u rad. Vrijednost investicije iznosi oko 82 miliona eura.

Projekat je pokrenula Elektroprivreda HZHB 2004. godine u okviru kojega su vršena mjerenja jačine vjetra na deset lokacija, od kojih su kao perspektivne odabrane tri, a prioritet je dan lokalitetu Mesihovina, u Općini Tomislavgrad.

“VE Mesihovina smještena je u centralnom dijelu Općine Tomislavgrad, ima 22 vjetroagregata ukupno instalirane snage 50,6 MW i godišnje proizvodnje od oko 165,17 GWh. Uz prosječnu potrošnju domaćinstva od 6000 kilovat sati godišnje, VE Mesihovina može opskrbiti električnom energijom oko 27.500 domaćinstava”. Svečanosti su prisustvovala brojne zvanice među kojima i predsjedavajući Predsjedništva BiH Dragan Čović, premijer Federacije BiH Fadil Novalić i brojni drugi.



BIH OSVOJILA TREĆE MJESTO KAO REGIJA BUDUĆNOSTI ZA STRANA ULAGANJA



Foreign Direct Investment (FDI) magazin rangirao je Bosnu i Hercegovinu na 3. mjesto kao regiju budućnosti za privlačenje stranih investicija po osnovu troškova poslovanja za 2018, na osnovu suradnje i informacija koje je Agencija za unapređenje stranih investicija u BiH (FIPA) o ekonomskim i investicijskim potencijalima naše zemlje.

Kao predstavniku Bosne i Hercegovine, direktor FIPA-e Gordan Milinić primio je danas u Kanu nagradu spomenutog magazina koji je Bosnu i Hercegovinu rangirao na treće mjesto u kategoriji srednje-velikih europskih regija za strana ulaganja. Također su mu, kao predstavniku BiH, uručena i priznanja za Zapadno-hercegovački kanton i Bijeljina i Zvornik.

Ovo značajno priznanje je još jedan dokaz kako je Bosna i Hercegovina profitabilna lokacija za strana ulaganja, te kako bi uz rješavanje ključnih nedostataka, koje ne mogu nadoknaditi promotivne aktivnosti, mogla realizirati veći priliv direktnih stranih ulaganja.

Također u konkurenciji od 481 lokacije među top 10 investicionih destinacija u čak 7 različitih kategorija u pogledu cjenovne konkurentnosti, FDI strategije i ekonomskog potencijala, našla se kako Bosna i Hercegovina, tako i Republika Srpska kao jedan od entiteta BiH, Zapadno-hercegovački kanton, te Bijeljina, Prijedor i Zvornik. Za donošenje odluke o proglašenju najboljih europskih gradova i regija, stručni ocjenjivački tim uzeo je u obzir kriterije kao što su ekonomski potencijal, isplativost ulaganja, ljudski potencijali, kvaliteta života, poslovno okruženje, kao i postojanje strategije za privlačenje investicija. Pozicioniranje na prestižnoj top listi europskih gradova i regija budućnosti predstavlja direktnu preporuku potencijalnim investitorima o regijama u koje treba ulagati.



PROMOVIRAN PRVI INTERAKTIVNI PORTAL ZA DIJASPORU IZ BOSNE I HERCEGOVINE



Prvi interaktivni portal za dijasporu iz Bosne i Hercegovine u vlasništvu Ministarstva za ljudska prava i izbjeglice BiH pokrenut je u Sarajevu, a uspostavljen je u svrhu provedbe Politike o saradnji s iseljeništvom, odnosno unapređenja komunikacije i razmjene informacija između bh. iseljništva i BiH. Portal dijaspora.mhrr.gov.ba je kreiran u okviru projekta "Dijaspora za razvoj", koji je projekt Vlade Švicarske i Ministarstva za ljudska prava i izbjeglice BiH u partnerstvu s Razvojnim programom Ujedinjenih nacija (UNDP) i Međunarodnom organizacijom za migracije (IOM) u BiH. Na promociji interaktivnog web-portala za dijasporu iz BiH govorile su Semiha Borovac, ministrica za ljudska prava i izbjeglice BiH, Andrea Rauber Saxer, ambasadorica Švicarske u BiH, i Nirvana Pištoljević, predsjednica Bosanskohercegovačko-američke akademije nauka i umjetnosti (BHAAAS). Primarni cilj ovog portala je da se uspostavi dvosmjerna komunikacija između države BiH i našeg iseljništva. Ono što je bitno za ovaj portal jeste da je on izraz volje i, prije svega, ideje iseljništva da se napravi ovakav portal koji bi bio zajednička tačka komunikacije. Portal će pružiti bh. dijaspori pored vijesti, dokumentata, informacija o projektima i mogućnost iznesu svoje ideje, svoje projekte i da na taj način da učestvuju u kreiranju javne politike u BiH i posebno određenih politika koje su značajne za iseljništvo, a na takav način da utiču na ekonomski razvoj BiH. Bosanskohercegovačka dijaspora je izvor i bogatstvo informacija, vještina i vrijednosti koje mogu biti od koristi njihovoj domovini, a mnogi od njih već pokazuju interes da pomognu BiH. Ovakva jedna platforma omogućava nesmetanu komunikaciju između dijaspore i Bosne i Hercegovine, gdje će predstavnici dijaspore imati mogućnost da podijele iskustva stečena u inostranstvu, ideje, aktivnosti i znanje u svojim područjima ekspertize i promovišu inicijative iz dijaspore za razvoj BiH. Između ostalog, na portalu će biti dostupan i objedinjen adresar institucija u BiH kao i diplomatsko-konzularnih predstavništava zemlje u svijetu te registar organizacija bosanskohercegovačkog iseljništva. Posredstvom portala bit će osigurano učešće iseljenika u kreiranju javnih politika u nadležnosti Ministarstva i drugih institucija te će biti objavljivane informacije o poslovnim prilikama kao i javni pozivi sa informacijama o mogućnosti finansiranja projekata ili apliciranja za grant sredstva.



MISIJA FIPA-E

Agencija za unapređenje stranih investicija Bosne i Hercegovine je agencija koju je osnovalo Vijeće ministara Bosne i Hercegovine, a čija je osnovna zadaća :

- Privlačenje i povećanje priliva stranih investicija u Bosnu i Hercegovinu i poticanje postojećih investitora u zemlji na dalja ulaganja i širenje poslovanja
- Poboljšanje saradnje između privatnog i javnog sektora, predlaganje mjera za unapređenje okruženja za investiranje, a s time i ekonomskog razvoja
- Predstavljanje Bosne i Hercegovine kao zemlje poželjne za strane investitore



USLUGE FIPA-E

Vijeće ministara Bosne i Hercegovine je zadužilo Agenciju za unapređenje stranih investicija da pruži podršku direktnim stranim investicijama i da olakša priliv stranih ulaganja u našoj zemlji. Agencija saraduje s institucijama vlasti i investitorima, te pomaže nadležnim vlastima da poboljšaju zakonski okvir za strana ulaganja. FIPA takođe pomaže investitorima da uspostave kontakte s javnim i privatnim sektorima BiH. Pokazatelji koji se odnose na priliv investicija, uspostava kontakata i studije privrednih sektora koje su izradili FIPA stručnjaci i nezavisni konsultanti, omogućavaju da investitori budu u potpunosti informirani o investicijskim mogućnostima koje Bosna i Hercegovina trenutno nudi. Osim toga, FIPA usko saraduje sa ambasadama i diplomatskim predstavništvima Bosne i Hercegovine, koji takođe mogu pomoći investitorima da istraže mogućnosti ulaganja u našoj zemlji.

FIPA pruža informacije, analize i savjete potencijalnim investitorima o poslovnom i investicijskom okruženju, uključujući:

- zakonodavstvo koje se odnosi na direktna strana ulaganja
- podsticaje koji se odnose na ulaganja
- ekonomska i poslovna kretanja u zemlji

FIPA identificira i predstavlja postojeće bh. mogućnosti za strana ulaganja :

- investicijske projekte u fazi razvoja ili projekte koji su već spremni za realizaciju
- preduzeća u procesu privatizacije
- domaće firme koje traže stranog poslovnog partnera

FIPA pruža pomoć potencijalnim investitorima i onima koji su već investirali u zemlji kroz :

- saradnju s javnim i privatnim sektorom
- saradnju s vladinim i nevladinim institucijama kako bi se olakšao privredni razvoj
- saradnju s lokalnim, regionalnim i međunarodnim organizacijama kako bi se poboljšalo okruženje za ulaganja



DA BISTE SAZNALI VIŠE O USLUGAMA FIPA-E, KOJE SU BESPLATNE, KONTAKTIRAJTE NAS DIREKTNO.

Grbavička 4
71000 Sarajevo
Tel: +387 22 278 080
Fax: + 387 33 278 081
e-mail : fipa@fipa.gov.ba
www.fipa.gov.ba

Ured FIPA-e Mostar
Kneza Višeslava, Office 54
88000 Mostar
Tel/Fax: +387 36 558 815
E-mail: mostar@fipa.gov.ba

Ured FIPA-e Banja Luka
Jovana Surutke 13/III
78000 Banja Luka
Tel/Fax: + 387 51 226 180
E-mail: banjaluka@fipa.gov.ba

A map of Europe with white outlines of countries on a blue background. The country of Bosnia and Herzegovina is highlighted with a semi-transparent overlay of its national flag, which features a yellow triangle at the top, a blue triangle at the bottom, and a white diagonal line with seven white stars.

INVEST IN BOSNIA AND HERZEGOVINA YOUR NEW OPPORTUNITY

WWW.FIPA.GOV.BA